



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

19. De oratione Christi ad Patrem.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

Sermo Christi ad disc. post Cœnam. 61

moris erga ipsos. *Ipsè Pater amat vos, quia vos* Amor
me amâstis, & credidistis, quia à Deo exivi. Patris.
7. A spe vincendi: *In mundo pressuram habe-* 7.
bitis: sed confidite, quia ego vici mundum. Victo-
riæ spes.

MEDITATIO XIX.

Oratio Christi ad Patrem in fine ser-
monis. Joan. 17. 1.

ORat pro se, pro Apostolis, pro omnibus fi-
delibus & electis: est exemplar perfe-
ctæ preceationis, in qua attendendum, pro qui-
bus petat, quid petat, quo titulo, & ordo pe-
titionis.

PUNCTUM PRIMUM.

ORat pro se. 1. Attendi debet interna & Orat pro
externa reverentia orantis, verborumque se. 1.
affectus, *sublevatis oculis in cœlum, dicit: Pa-* Reve-
ter. 2. quid petat. *Venit hora: clarifica Filium* renter.
tuum, ut Filius tuus clarificet te. Petit clarificari 2.
in nocte passionis: & fecit pater, tot editis pro- ut cla-
digijs in morte ejus. Item per gloriosam re- ritur.
surrectionem, & ascensionem suam in cœlum.
Denique per exaltationem nominis ipsius toto
mundo, dum creditur Deus, & Salvator. Petit
autem hæc, non suam quærens gloriam, sed Pa-
tris, *ut Filius tuus clarificet te*: nam clarificatio
illius in tuam cedit gloriam, qui illum mundo
dedisti. Licet mihi usurpare eandem orationem
sine

3. sine temeritate, ut petam clarificari donis gratiæ, ut inde ipsum Deum clarificare valeam. 3. quo titulo petat: *Ego te clarificavi super terram, opus consummavi, quod dedisti mihi, ut facerem, & nunc clarifica tu me, Pater! claritate, quam habui priusquam mundus esset, apud te.* Licet obtendere apud Deum fidelia obsequia, cum debita submissione. Utinam ego haberem, quæ repræsentarem! at contra, non nisi demerita habeo. Dicitur etiam, quòd, quæ Deus ab æterno destinavit, nihilominus petenda nobis sunt, quia per tale medium dare constituit claritatem ergo, quam ante mundi constitutionem decrevit Deus electis, instanter ipsi ab illo petent. Sicut Christus hoc loco petit claritatem, quæ ab æterno ipsi fuerat decreta. Et si, quoad Christum, potest aliter accipi claritas: nempe quòd sit verus Filius Dei, quam habuit ab æterno: petit autem eadem clarificari, hoc est, innotescere pro tali, & glorificari, sicut factum scribit Joannes: *Vidimus gloriam ejus, gloriam quasi unigeniti à Patre, plenum gratiæ, & veritatis.*

PUNCTUM II.

ORat pro Apostolis: *Non pro mundo rogo, sed pro his, quos dedisti mihi, quia tui sunt: Ubi simul continetur titulus, sub quo eos commendat Patri: Quia tui sunt, qui est efficax. Tuus sum ego, salvum me fac.*

ProApo- Non orat pro mundo, & filijs tenebrarum,
quia

Orat. Christi ad Pat. in fine serm. 63

quia indignos se faciunt, resistendo divinæ legi, stolis pe- & inspirationibus. Deinde petit pro illis tria. tit tria.

1. *Pater sancte, serva eos in nomine tuo, quos dedisti mihi, ut sint unum, sicut & nos.* Petit, 1.

ut sint sub peculiari cura Dei, ac proinde inter se uniti, imò unum sint, sicut Pater, & Filius unum sunt, videlicet naturâ, & consequenter unius sensûs, & voluntatis, quod optat Apostolus. 2. *Non rogo, ut tollas eos de mundo, sed, ut serves eos à malo.* Nimirum inter malos esse, & ab eis pati, sæpè expedit? illud modò detur, ut sub protectione Dei cœli commoremur, & ipse inter tentationes mundi liberet nos à malo. 2.

3. *Sanctifica eos in veritate. Ego pro eis sanctifico meipsum, ut sint & ipsi sanctificari in veritate.* 3.

Precatur discipulis veram sanctitatem, atque perfectam, non tantùm declinationem à malo. Alio autem sensu de se dicit: *Ego sanctifico meipsum*, id est, devoveo & immolo, *ut ipsi sancti sint*: nam ex Christi morte nobis provenit sanctitas. Quo titulo petit.

Tres titulos ad impetrandum Apostolis adhibuit. 1. *quia tui sunt*, 2. *serva eos in nomine tuo*, pro gloria tui nominis: 3. *quia ego pro eis sanctifico me ipsum*, morti offero.

PUNCTUM III.

ORat pro reliquis fidelibus *Non pro eis tantùm rogo, sed & pro eis, qui credituri sunt per verbum eorum in me.* Itaque pro me tunc oravit, habuit enim tunc omnes cognitos, & in oculis singulos. 1. *Quid pro eis petit? ut omne* 1.

Tom. II.

E

unum

Charita-
tem. unum sint, sicut tu Pater in me, & ego in te, ut
& ipsi in nobis unum sint. Unum inter se, &
cum Deo: ô beata unitas! Ex quo sequitur, ut
credat mundus, quia tu me misisti. Tanti est
vera unio charitatis, ut plurimum momenti
adferat ad fidei propagationem, quia ibi verè
digitus Dei est, ubi charitas. 2. Præterea petit:
Pater, quos dedisti mihi, volo, ut ubi ego sum, &
illi sint mecum, ut videant claritatem meam,
quam dedisti mihi. Hæc summa petitionum
omnium, ac desideriorum finis. Volo, inquit,
& quis resistet voluntati tuæ? Dic obsecro pro
me, volo, & fiet.

2.
Vitam
æter-
nam.

Tituli
sunt.

Tituli seu motiva petitionis sunt illa, qui cre-
dituri sunt in me. Et Pater, quos dedisti mihi.
Uterque enim respectus debet apud Patrem va-
lere plurimum, ut largiatur illis primò unita-
tem illam in hac vita, cum Deo, & inter se
per charitatem. deinde verò, ut assumat illos ad
se: ubi videant claritatem, quam Filius à Patre
accepit generatione æterna, faciem Domini spe-
culantes. Fiat, fiat.

2. Cor.
3. 18.

MEDITATIO XX.

Christus pergat ad hortum, & tristatur.

Matt. 26. 30. Ioan. 18. 1.

PUNCTUM PRIMUM.

1.
Consue.

Cur à cœnaculo ad hortum perrexerit? 1.
Causa, ut morem servaret suum à concio-
nibus,